

Toktok save long wanem em Incentive Fund

Incentive Fund em i wanpela progrem bilong gavman bilong Austrelia we isave givim moni helivim long kamapim gutpela sindaun bilong ol manmeri long sait bilong social na economic developmen insait long ol komuniti bilong Papua Niugini. Ol oganisasen iken pulumapim ol pepawok long kisim disla moni helivim long kirapim gutpela ol komuniti projek long sapotim social na economic infrastructure na ol arapela kain projek. Ol disain bilong dispela ol projek imas litimapim mak bilong givim servis igo antap moa na i lukluk long strongim ol liklik bisnis na i karamapim olgeta manmeri insait long Papua Niugini, na i luksave long ol mama, yangpela meri na ol manmeri wantaim disability.

Incentive Fund iken givim moni helivim inap long 10 milian kina igo long ol oganisasen husait i laik mekim ol gutpela komuniti wok, wok bilong kamapim bisnis na ol narapela projek we iwok wantaim long:



Litimapim ol servis insait long ol hausik o hap ples bilong skul.



Kamapim gutpela rot bilong mekim moni, osem mekim gutpela maket ples.



Kamapim planti wok na soim rot bilong mekim moni tru long ol liklik bisnis na mekim ikamap bikpela moa.



Long yia 2000 ikam inap long nau, Incentive Fund igivim aut pinis moni mak osem 700 milian kina igo long ol lain husait iwok long kamapim gutpla ol helt servis, skul, governance na administrasen.

Incentive Fund i kamapim planti projek wok, sampela em ol niupela projek na sampela em ol haus samting we i stap pinis na Incentive Fund i helivim long stretim gut. Dispela em ol:



Maket



Universities



Primary na secondary skul



Research facilities



Technical na vocational skul



Hausik, helt senta, aidpost na klinik

Husait isave wok wantaim mipla?

Incentive Fund save givim helivim long ol kinkain oganisasen olsem:



Sios husait isave givim servis long sait bilong helt na skul



Bisnis grup



Gavman



NGO grup



Gavman insait long ol provins na distrik



Na ol arapela patna husait i save wok long kamapim developmen

Bikpela moa long ol infrastructure program

Incentive Fund isave mekim ol arapela wok tu antap long moni helivim mipela igivim long kamapim gutpela na strongpela infrastructure. Mipela i wok bung wantaim ol patna long bringim gutpela senis ikamap long wok bilong ol infrastructure projek we igat luksave na i sapotim ol meri, ol yut, ol manmeri wantaim disability na ol lain husait i nogat gutpela sindaun. Bikpela samting em mipela ilaik lukim ol dispela lain igivim tingting bilong ol long ol projek wok we iken senisim laip na sindaun bilong ol.

Mipela i wok het tru long mekim save olsem ol disain bilong ol infrastructure projek bilong mipela iluksave tu long ol senis ikamap long busgraun, kain olsem climate change we dispela ol projek wok bai iken sanap strong long taim disla kain ol birua ikamap long nau na bihain taim tu.



Nuipela facilities is strongim wok bilong FPDA

Long yia 2022, PNG's Fresh Produce Development Agency ibin kisim moni helivim long mak bilong K15.17 milian tru long Incentive Fund long mekim wanpla nuipela training senta, na laboratory long Kainantu, Eastern Hilans Provins. Disla i nau putim FPDA long gutpela ples long surukim wok bilong agriculsa long skulim 8,550 famas insait long PNG na tu iken kisim luksave long kamap olsem skul bilong ol fama. Disla skul bai inap long kamapim nuipela na klinpela ol sid bilong kaikai we inogat sik. Dispela bai i helivim ol fama long wokim gutpela gaden we iken kamapim planti kaikai.



Middle Fly distrik i kisim gutpela hausik

Klostu olsem 14,000 manmeri insait long Middle Fly Distrik, Westen Provins bai kisim helivim long wok ikamap long litimapim helt sevis long Bosset sab-helt senta. Incentive Fund ibin givim moni mak inap long K9.87 milian long yia 2019 igo long Kiunga Katolik helt sevis long stretim dispela helt senta. Dispela wok bai i helivim helt senta long givim gutpela sevis ol komuniti em isave lukautim. Ol sampela nuipela samting istap nau long helt senta em wad blo sik manmeri long silip na wad bilong lukim sik manmeri inogat bikpela sik, rum bilong sekim na givim marasin long ol sik manmeri, wad bilong ol mama, TB, HIV/AIDS, klinik bilong stretim tit, rum bilong mekim radiology, haus bilong helt wokman, hap bilong kukim rabis bilong hausik na wanpela woksop. Bikpela samting we ibai kamaut long dispela wok, em long lukim ol komuniti i usim dispela helt senta, ino olsem bipo we ol isave kisim olsem 12pela aua lo ron long bot igo long painim narapela hausik lo kisim helivim.



Rot bilong kisim moni helivim long Incentive Fund em bai nidim gutpela pepawok long inapim ol patna long kisim tok orait long kamapim social, infrastructure na ol arapela projek. Taim bilong stretim ol pepawok, mipla bai sekim gut tru sapos em i gutpela, wanem nuipela samting yu laik kamap long disla projek, husait iwok wantaim yu, na au yu bai bihainim ol toksave istap lo kamapim projek bilong yu. Ol wok manmeri bilong mipela istap long helivim yu wantaim sampela moa toksave na mipela bai sapotim yu na organisasen bilong yu long stretim gut tru pepawok bilong yupela na tu kisim ol saveman long helivim yu long taim yu kirapim projek igo inap long taim projek i pinis.

Lo kisim moa toksave, sekim websait:

www.incentivefund.org



O askim ol wok manmeri bilong Incentive Fund lo:

E: info@incentivefund.org

P: (+675) 342 2739